

Zakoni i propisi koji reguliraju zdravstvo i medicinsku njegu

Zakon o biobankama

Pacijenti ponekad, kad su bolesni, moraju dati uzorke, kao što su uzorci krvi ili biopsije. Određeni uzorci se pohranjuju kako biste vi, pacijent, dobili najbolju moguću njegu. Ti uzorci se takođe mogu koristiti u istraživačke svrhe.

Pojedinci imaju slobodu da odluče žele li svoje uzorke pohraniti ili ne. To potpada pod Zakon o biobankama. Kako biste više saznali o tome pozovite: 0470-58 75 13 ili pošaljite e-poštu za Marie Jadner, koja je službenik biobanke u kantonu Kronoberg.

LPT Zakon (Zakon o obaveznoj zdravstvenoj zaštiti osoba s mentalnim poremećajima)

Osoba koja je mentalno bolesna može se predati na njegu, u skladu s gore navedenim propisom. Kako bi se ovaj propis mogao primijeniti ta osoba mora patiti od ozbiljnog psihičkog poremećaja i biti psihotična, što znači da je ta osoba izgubila dodir sa stvarnošću i predstavlja opasnost i po sebe i okolinu. Kako bi se ovaj zakon mogao primijeniti, ta osoba prvo mora svojevolumeno odbiti zdravstvenu pomoć.

Saznajte više o LPT Zakonu na web stranici 1177.se

LRV Zakon (Zakon o sudskoj zdravstvenoj zaštiti osoba s mentalnim poremećajima)

U određenim slučajevima osoba koja je mentalno bolesna može se predati na sudsku ili kaznenu zdravstvenu zaštitu mentalnog zdravlja. To se primjenjuje u slučaju da je ta osoba počinila ozbiljan zločin i bila podvrgnuta psihijatrijskom pregledu koji je pokazao da ona boluje od ozbiljnog psihičkog poremećaja.

Saznajte više o LRV Zakonu na web stranici Parlamenta riksdagen.se

Sloboda izbora zdravstvene zaštite

Postoji veći broj zakona koji reguliraju slobodu izbora zdravstvene zaštite pacijenta.

Sloboda izbora zdravstvene zaštite

Pojedinci su slobodni da odaberu svoju zdravstvenu zaštitu u Švedskoj. To znači da osobu s uputnicom za specijalistu može liječiti centar za primarnu zdravstvenu zaštitu ili specijalistički odjel, već po vlastitom izboru. To vrijedi za kantone u kojima oni žive, a takođe i za druge kantone/regije. Osobe koje njegu traže na drugim mjestima obavezne su platiti prevoz do i od ustanova zdravstvene zaštite, a primjenjuje se i tekuća prioritarna lista čekanja za odabrani kanton/regiju.

Saznajte više o slobodi izbora zdravstvene zaštite na web stranici SKL-a: skl.se

Zakon koji regulira sistem slobode izbora

Švedski zakon sadrži propise koji uređuju ono što se primjenjuje na općine i kantone koji žele da njihove aktivnosti budu konkurentne. To znači da su svi pacijenti slobodni da izaberu ko će ih liječiti i ko ispunjava njihove zahtjeve i potrebe za zdravstvenom zaštitom.

Saznajte više o slobodi izbora zdravstvene zaštite na web stranici SKL-a: skl.se

Ostali propisi

- Švedski Zakon o zdravstvenoj i medicinskoj pomoći
- Lex Maria
- Zakon o zaštiti privatnosti pacijenta
- Zakon o osobnim podacima
- Zakon o službenim tajnama

Saznajte više o zakonima i propisima na web stranici socialstyrelsen.se